

Naqqiut

Taarserpaa siunnersuut 14. august 2019-imeersoq.

(Naqqiutikkut “Aalajangersakkat ataasiakkaat pillugit oqaaseqaatit nr. 2-mi imm. 2-mut” oqaaseqatigiit siullermi “ilaatinneqanngitsut” “ilaatinneqartut”-mut iluarsineqarpoq)

Siunnersuummut nassuiaatit

Siunnersuummut nassuiaatit nalinginnaasut

1. Aallaqqaasiut

1.1 Siunnersuutip tunuliaqutaa siunertaalu pingaarneq

Matuminnga siunnersuuteqarnermi Inatsisartut 2018-imi ukiakkut ataatsimiinnerminni oqaluuserisassani immikkoortoq 164-imik akuersissuteqarnerat tunngaviuvoq: ”Naalakkersuisut kingusinnerpaamik UKA 2019-imut inatsimmik atuuttumik allannguutissatut siunnersuusioqqullugit peqquneqarnissaannik Inatsisartut aalajangiiffigisassaattut siunnersuut, taamaalilluni eqqumiitsulianut tamanut aningaasanik agguaassinerni politikerit akuliutinnginnissaat siunertaralugu eqqumiitsuliortunut aningaasaateqarfimmik pilersitsisoqarniassammat.” Taamaalilluni siunnersuut matuminnga akuersissuteqarnermi malinnaatitsinertut isigineqassaaq.

Taamaalilluni siunnersuuteqarnermi aningaasaateqarfimmik Naalakkersuisut eqqumiitsuliornermik ingerlatsisunut aningaasanik agguaassisinnaasumik pilersitsinissaannut inatsisitigut tunngavissaqartoqalerluni. Aningaasaateqarfimmik pilersitsineq ilutigalugu inatsimmi aalajangersakkanik allanik iluarsaassisoqartariaqarsimavoq.

Tamatuma kingorna aningaasaateqarfimmik pilersitsinissami kulturikkut aningaasanik agguaassinernut tunngatillugu politikerit akuliutinnginnissaat siunertani pingaarnersaavoq. Taamaalilluni kulturikkut aningaasanik atuinerni politikikkut akuliuttoqarnissaanut pakkersimaarinninnissamik kissaatigisaq paasineqassaaq. Aningaasaateqarfimmik aaqqissuussineq ilutigalugu aningaasanik agguaassinerni qinnuteqaateqartunik sulianik ilisimasallit annertunerusumik nalilersuisarsinnaassapput. Tamatuma saniatigut aningaasat atunngitsuukkat ukiumiit ukiumut nuunneqarsinnaalissapput aammalu inunnit namminersortunit aningaasanik aamma aningaasaateqarfimmit agguaanneqarsinnaasunik pissarsisassaaq.

1.2 Inatsisissamik piareersaarnermi pingaartitat

Siunnersuutip teknikkkut ilusaa eqqarsaatigalugu inatsimmik piareersaanermi allat peqataatinneqartariaqarsimangillat.

1.3 Siunnersuutip imarisai ataatsimut isigalugit

Aalajangersakkamik Naalackersuisut eqqumiitsuliortunut tamakkuninngalu siammarterisunut tapiissutaannik tamakkiisumik ilaannakortumilluunniit aqutsisutut isumaginnittussamik ikkussisoqassasoq siunnersuutigineqarpoq. Naalackersuisut aningaasaateqarfiup siunertaanik, suliassaanik atuuffissaanillu, tassunga ilanngullugit akissarsitsisarnarit, aningaasaliinerit aamma allatseqarfimmit sullinneqarnerit pillugit malittarisassanik aalajangersaasinnaasut aamma siunnersuutigineqarpoq. Tamatuma saniatigut aningaasaateqarfiup suliassanik allanik eqqumiitsuliortunut tamakkuninngalu siammarterisunut tapiissutit pillugit suliassanik isumaginninnissamut attuumassutilinnik malittarisassanik Naalackersuisut aalajangersaasinnaasut siunnersuutigineqarpoq.

Inatsisartut inatsisaannut § 14-imut ilassusiisoqassasoq siunnersuutigineqarpoq, taamaalilluni, aningaasaateqarfimmik pilersitsisoqassappat, aningaasaateqarfik Nunatta Karsianiinnaanngitsumit aningaasanik Naalackersuisut tapiissutaannut ilanngullugit agguanneqarsinnaasunik tigusaqarsinnaalersillugu.

Inatsisartut inatsisaat naapertorlugu aningaasaateqarfik aalajangiisinnaassappat pisortani suliassanik suliarinnittarneq aamma pisortat ammanerunissaat pillugit malittarisassat atuutissasut siunnersuutigineqarpoq.

Aningaasaateqarfiup tapiissutit tamakkiisumik ilaannakortumilluunniit aqussappagit aningaasaateqarfimmi aalajangiinerit aqutsinikkut oqartussaasunut allanut naammagittaalliuutigineqarsinnaassanngitsut siunnersuutigineqarpoq.

Kiisalu siunnersuisoqatigiit, ataatsimiititaliat assigisaalluunniit aamma aningaasaateqarfik eqqumiitsuliortunut tamakkuninngalu siammarterisunut tapiissutinik aqutsineq isumagissappassuk tamakkuninnga Naalackersuisut nakkutilliisuunissaat siunnersuutigineqarpoq. Tamatuma saniatigut Naalackersuisut nakkutilliinermik isumaginnittussatut pisariaqartinneqartumik isigineqassappata Naalackersuisut siunnersuisoqatigiinnut, ataatsimiititalianut assigisaannulluunniit aamma aningaasaateqarfimmut paasissutissanik tamanik noqqaassuteqarsinnaapput.

2. Siunnersuutip immikkoortui pingaarnerit

2.1 Inatsisit atuuttut

Inatsit atuuttoq tassaavoq Eqqumiitsuliornermik ingerlatsineq pillugu Inatsisartut inatsisaat nr. 11, 6. juni 2016-imeersoq (eqqumiitsuliorneq pillugu inatsit).

Naalackersuisut eqqumiitsuliortunut tamakkuninngalu siammarterisunut tapiissutaannik aqutsinissamik suliakkiinerit

Eqqumiitsuliorneq pillugu inatsimmi § 15 naapertorlugu Naalakkersuisut eqqumiitsuliortunut tamakkuninngalu siammarterisunut tapiissutinik aqutsineq tamakkiisumik ilaannakortumilluunniit Namminersorlutik Oqartussani oqartussanut allanut pisortallu suliffeqarfiutaannut tunniussinnaavaat. Tamatuma saniatigut eqqumiitsuliorneq pillugu inatsimmi § 16 naapertorlugu Naalakkersuisut siunnersuisoqatigiinnik, ataatsimiititalianik assigisaannilluunniit Naalakkersuisut eqqumiitsuliortunut tamakkuninngalu siammarterisunut tapiissutinik tamakkiisumik ilaannakortumilluunniit isumaginnittussanik pilersitsisinnaapput.

Aningaasaateqarfik suliffeqarfiuvoq imminut pigisoq taamaattumillu § 15-imut imaluunniit § 16-imut ilaatinneqanngitsaq.

Avataanit aningaasanik tigusaqartarnerit tamakkuninngalu agguaassisarnerit

Eqqumiitsuliorneq pillugu inatsimmi § 14-imi Naalakkersuisut eqqumiitsuliortunut tamakkuninngalu siammarterisunut tapiissutaasa Aningaasat pillugit inatsimmi tamatumunnga aningaasaliissutissatut aalajangersakkani pinissaat aalajangersarneqarpoq. Taamaattumik aningaasanik tamakkuninnga aqutsineq suliaqutitigineqassappat aningaasat taakku kisimik agguaanneqartussaapput. Taamaattumik aningaasanik avataanit tiguserit tamakkuninngalu agguaassinerit pillugit immikkut ittumik inatsisitigut tunngavissamik pilersitsisoqanngippat taamatut iliortoqarsinnaanngilaq.

Suliassanik suliarinninneq

Inatsimmi atuuttumi pisortat ingerlatsineranni suliassanik suliarinnittarnerit aamma Inatsisartut inatsisaanni pisortat ingerlatsinerat pillugu Inatsisartut inatsisaanni § 16-imi siunnersuisoqatigiinnut, ataatsimiititalianut assigisaannulluunniit atuuttut allassimavoq, tamakku aalajangiisinnaatitaatillugit. Taamaaliortoqarpoq allaffissornikkut aqutsinerup allanut nuunneratigut qinnuteqartut inatsisitigut inissisimanerisa ajornerulinnginnissaat qularnaarumallugu. Aqutsineq Namminersorlutik Oqartussani oqartussaasunut pisortalluunniit suliffeqarfiutaannut allanut tunniunneqaraluarpat tamakku imminut isumagisumik inatsimmut tassunga ilaatinneqassapput. Immikkoortumi matuma qulaani soorlu taaneqareersoq aningaasaateqarfik § 15-imut imaluunniit § 16-imut ilaatinneqassanngilaq, taamaattumik aningaasaateqarfik malittarisassanik tamakkuninnga malinnittussaataassanngilaq, tamanna ersarissumik aalajangersarneqarsimangippat.

Naammagittaalliorsinnaaneq

Eqqumiitsuliornermik ingerlataqartut pillugit Inatsisartut inatsisaanni atuuttumi Naalakkersuisut Kommunalbestyrelsillu aalajangigaat allaffissornikkut oqartussaasunut allanut naammagittaalliuutigineqarsinnaanngitsut allassimavoq. Eqqumiitsuliornermik ingertaqartunut tapiissutit tamakkuninngalu siammarterinerit pillugit siunnersuisoqatigiinnit, ataatsimiititalianit assigisaannilluunniit aalajangiinerit allaffissornikkut oqartussaanut allanut aamma naammagittaalliuutigineqarsinnaanngillat. Tamanna aalajangiinerit siunnersuisoqatigiinnit, ataatsimiititalianit assigisaannilluunniit aalajangikkat ilaasortat suliassaqarfimmi eqqumiitsuliornermik suliassaqarfinni assigiinngitsuni aamma

qinnuteqaatinik takkussuuttunik ataatsimut nalilersuinerit pingaarnersuinerillu tunngavigalugit suliatigut ilisimasaat immikkut ittut tunngavigalugit aalajangiinerusarnerannik tunngavilersorneqarpoq.

Taamaattorli aalajangiinerit inatsisini killiliussanut tunngappata naammagittaalliortoqarsinnaavoq. Inatsisitigut tunngavissat ilaatigut tassaasinnaapput tapiissutinik agguassinernut malittarisassat tunngaviusut aamma qinnuteqaatinik suliaqarnerni sulianut tunngatillugu apeqqutit.

Nakkutilliineq

Eqqumiitsuliorneq pillugu inatsimmi § 22 naapertorlugu Naalakkersuisut Kommunalbestyrelsit inatsimmik aqutsinerannik pingaarnertut nakkutilliisussaallutillu paasissutissanik inatsit naapertorlugu suliaqarsinnaajumallutik paasissutissanik pisariaqartinneqartunik Kommunalbestyrelsinut noqqaassuteqarsinnaapput. Tamatumani Naalakkersuisut siunnersuisoqatigiinnik, ataatsimiititalianik assigisaannilluunniit pilersinneqarsimasunik nakkutilliisuunissaat piunasaqaataanngilaq.

2.2 Siunnersuut

Naalakkersuisut eqqumiitsuliortunut tamakkuninngalu siammarterisunut tapiissutaannik aqutsinissamik suliakkiinerit

Siunnersuummi § 1, nr. 2-tut Naalakkersuisut aningaasaateqarfimmik tamakkiisumik ilaannakortumilluunniit Naalakkersuisut eqqumiitsuliortunut tamakkuninngalu siammarterisunut tapiissutaannik isumaginnissinnaasumik pilersitsinissaannut inatsisitigut tunngavissanik aalajangersaasoqassasoq siunnersuutigineqarpoq. Tamatuma saniatigut aningaasaateqarfimmi siunertat, suliaqarsat, aqutsineq atuuffiillu, aningaasaliinerit pillugit malittarisassat kiisalu allatseqarfimmit sullinneqarnerit pillugit Naalakkersuisut malittarisassamik aalajangersaasinnaasut siunnersuutigineqarpoq. Aammattaaq aningaasaateqarfimmi Naalakkersuisut eqqumiitsuliortunut tamakkuninngalu siammarterisunut tapiissutaannik tamakkiisumik ilaannakortumilluunniit suliaqarsat isumaginnissinnaasut suliaqarsat allanik, suliaqarsat isumaginninnernut attuumassuteqartunik, isumaginnissinnaanerat pillugu malittarisassamik aalajangersaasinnaasut siunnersuutigineqarpoq, tamakkununnga ilanngullugu eqqumiitsuliornermik ingerlatallit pillugit apeqqutinut tunngatillugit siunnersuinerit. Inatsisitigut tunngavissat pillugit aalajangersakkat aallaavigalugit Naalakkersuisut allaffissornikkut malitassiorsinnaapput, tamatumani pissutsit aningaasaateqarfimmut tunngasut aalajangersaavigineqarlutik.

Taamaalilluni aningaasaateqarfik oqariartaatsimut aningaasaateqarfimmik nalinginnaasumik paasinnittarnermut naapertuuttoq paasinarpoq. Tassa imaappoq aningaasaateqarfik ataatsimik amerlanerusunilluunniit siunertaqassasoq, aningaasaateqassasoq pilersitsisumut

taassumaluunniit qanigisaanut utertinneqarsinnaanngitsunik aamma aningaasaateqarfik pilersitsisumut tunngatillugu nammineertumik aqutsisoqassaaq.

Kalaallit Nunaanni aningaasaateqarfiit Aningaasaateqarfiit peqatigiiffiillu ilaat (aningaasaateqarfiit pillugit inatsit) pillugit Kalaallit Nunaannut Peqqussut nr. 917, 15. decembari 1998-imeersumi aamma Inuussutissarsiutinik ingerlatsisutut aningaasaateqarfiit (aningaasaateqarfiit inuussutissarsiutaasut pillugit inatsit) pillugit Kalaallit Nunaannut Peqqussut nr. 485, 14. maj 2018-imeersumi aalajangersarneqarput.

Nalinginnaasumik inatsisit aningaasaateqarfinnut tunngasut aningaasaateqarfinnut, legatinut, pilersitanut aamma suliffeqarfinnut imminnut pigisunut tamanut, ataatsimut aningaasaateqarfinnik taaneqartartunut, atuupput. Inatsilli tamatumunnga tunngasunik arlalippassuarnik ilanngutinngitsuugaqarpoq. Tamanna assersuutigalugu aningaasaateqarfinnut inatsit naapertorlugu imaluunniit Danmarkip naalagaaffiullu allap aamma naalagaaffinnit allanit nakkutigineqartup, akornanni inuit pillugit isumaqatigiissutini atuuppoq. Inatsit aamma aningaasaateqarfinnut inuussutissarsiutaasunut atuuppoq.

Taamaattumik aningaasaateqarfik siunnersuummi matumani aalajangersagassatut siunnersuutit naapertorlugit pilersinneqartoq aningaasaateqarfiit pillugit inatsimmut ilaatinneqassanngilaq.

Avataanit aningaasanik tigusaqartarnerit tamakkuninngalu agguaassisarnerit
Aningaasaateqarfimmik Naalakkersuisut siunnersuisoqatigiinnik, ataatsimiititalianik assigisaannilluunniit Naalakkersuisut eqqumiitsuliortunut tamakkuninngalu siammarterisunut tamakkiisumik ilaannakortumilluunniit suliassanik isumaginnittussamik pilersitsisoqassappat aningaasaateqarfik Nunatta Karsianiinnaanngitsoq tapiissutinik, kingornussassanik tunissutinillu tigusaqarsinnaassasoq siunnersuutigineqarpoq. Aningaasaateqarfik Nunatta Karsianiinnaanngitsoq aningaasanik tigusaqartarnissaanut periarfissaqassasoq aningaasallu tamakku aningaasatulli Nunatta Karsianit agguaanneqartartut agguaanneqarsinnaasut Naalakkersuisut naliliipput.

Suliassanik suliarinninneq

Eqqumiitsuliorneq pillugu inatsimmi § 17 allanngortinneqassasoq siunnersuutigineqarpoq, taamaalillutik pisortani suliassanik suliarinnittarnerit pillugit Inatsisartut inatsisaanni aalajangersakkat aningaasaateqarfimmut, aningaasaateqarfimmik pilersitsisoqassappat, eqqumiitsulianik ingerlataqartunut tapiissutit pillugit aalajangiisartumut atuutissasut siunnersuutigineqarpoq. Tamatumani aqutsinerup aningaasaateqarfimmut tunniunneqarneratigut qinnuteqaateqartut inatsisitigut inissisimanerisa ajorseriaateqannginnissaannik qulakkeerneqassasoq siunnersuutigineqarpoq.

Naammagittaalliorsinnaaneq

Aalajangiinerit aningaasaateqarfimmi aalajangerneqartut allaffissornikkut oqartussaasunut allanut naammagittaalliuutigineqarsinnaassanngitsut siunnersuutigineqarpoq. Taamatutaaq siunnersuisoqatigiit, ataatsimiititaliat assigisaalluunniit aalajangiisuuppata tamanna atuutissaaq. Tamanna arlalinnik pissuteqarpoq. Aningaasanik aqutsineq aningaasaateqarfimmut tunniunneqarneratigut aningaasanik agguaassinerni politikerit akuliutinnginnissaat siunertarinqarpoq. Aalajangiinerit allaffissornikkut aqutsisunut allanut, suliffeqarfimmi politikerinit aqunneqartut ilaanni, naammagittaalliuutigineqarsinnaassappata tamatumunnga akerliussaaq.

Aalajangiinerit aningaasaateqarfimmit aamma qinnuteqaateqartut takkussuuttut ataatsimut nalilersuiffigineqarnerat pingaarnersiorneqarnerallu tunngavigalugit aalajangerneqartut eqqumiitsuliornermi suliaasaqarfinni assigiinngitsuni suliatigut immikkut ittumik piginnaasat tunngavigalugit aalajangerneqartassasut naatsorsuutigineqarput. Taamatut piginnaasat aamma taamatut qinnuteqaatinik takkussuuttunik ataatsimoortumik nalilersuinerit pingaarnersiuinerillu naammagittaalliornissamut oqartussaasuni pigineqarsinnaanngillat.

Nakkutilliineq

Aalajangersakkamik ikkussisoqarnissaa siunnersuutigineqarpoq, tassanilu, aningaasaateqarfimmi tapiissutinik aqutsisussamik pilersitsisoqassappat, Naalackersuisut tamatumunnga nakkutilliisuussasut allassimassaaq. Aningaasaateqarfik inatsit naapertorlugu inatsimmiluunniit pilersinneqartoq aamma naalagaaffimmit nakkutigineqartussaasoq aningaasaateqarfiit pillugit inatsit aamma aningaasaateqarfiit inuussutissarsiutinik ingerlatsisusut naapertorlugit pilersinneqarsimasut malittarisassanut tamakkununnga ilaatinneqassanngilaq. Matumani ”Naalagaaffik” ”Namminersorlutik Oqartussatut” nassuiarneqassaaq. Taamaattumik aningaasaateqarfiup aningaasaateqarfiit pillugit inatsimmut ilaatinneqannginnissaa qulakkeerniarlugu aalajangersagaq ikkunneqarpoq, taamaallaallu Inatsisartut inatsisaannit tamatumalu malitsigisaanik aalajangersakkani aalajangersarneqarsimassaaq.

Naalackersuisut siunnersuisoqatigiinnik, ataatsimiititalianik assigisaannilluunniit eqqumiitsuliornermik ingerlataqartunut tamakkuninngalu siammarterisunut tapiissutinik siammarterisunik nakkutilliisuunissaat aamma siunnersuutigineqarpoq. Tamanna pisuni tamakkunani aqutsinermik aamma nakkutilliisoqarnissaata eqqortuuserineqarneranik tunngavilersorneqarpoq.

Taamatutaaq aalajangersagassatut siunnersuummi Naalackersuisut taamatut nakkutilliinissaminnut pisariaqartinneqartutut isigineqartunik paasissutissanik siunnersuisoqatigiinnut, ataatsimiititalianut assigisaannilluunniit aamma aningaasaateqarfimmut paasissutissanik noqqaassuteqarsinnaassasut aalajangersarneqarpoq.

Siunnersuut inatsimmut atuuttumut sanilliullugu	
<i>Oqaasertaliineq atuuttoq</i>	<i>Siunnersuut</i>

	<p style="text-align: center;">§ 1</p> <p>Eqqumiitsuliornermik ingerlatsineq pillugu Inatsisartut inatsisaannik nr. 11, 6. juni 2016-imeersumi tullinnguuttut makku allanngortinneqarput:</p>
<p>§ 14. Naalakkersuisut eqqumiitsuliornermik ingerlatsinermut tamatumalu saqqummiunneranut tapiissutaat aningaasanut inatsimmi tamatumunnga aningaasaliissutitut aalajangersarneqartut iluanni pisassapput.</p>	<p>1. § 14-imi imm. 2-tut ilanngunneqassaaq: ” <i>Imm. 2.</i> § 16 a naapertorlugu Aningaasaateqarfimmik pilersitsisoqarpat aningaasaateqarfik tapiissutinik, kingornussanik tunissutinillu Nunatta Karsianiunngitsoq pissarsisassaaq.”</p>
	<p>2. § 16-ip kingorna ilanngunneqassaaq: ” § 16 a. Naalakkersuisut eqqumiitsuliornermik tamakkuninngalu siammarterinermik ingerlatsisunut tapiissutissaannik tamakkiisumik tamakkiisuunngitsumilluunniit aningaasaateqarfimmik isumaginnittussamik pilersitsisinnaapput.</p> <p><i>Imm. 2.</i> Naalakkersuisut siunertat, suliasat, inissitsiterineq atuunnerlu pillugit malittarisassanik sukumiinerusunik aalajangersaasinnaapput, tassunga ilanngullugit akissarsianut, aningaasaliinernut allatseqarnikkullu siunnersuisoqatigiinnik, ataatsimiititalianik assigisaannillu sullissinerit tamakkiisumik tamakkiisuunngitsumilluunniit Naalakkersuisut eqqumiitsulianik ingerlatsisunut tapiissutaannik tamakkuninnga siammarterisunut tunngatillugu suliasanik isumaginnissinnaasunik.</p> <p><i>Imm. 3.</i> Aningaasaateqarfiup Naalaakkersuisut eqqumiitsuliornermik ingerlatsisunut tamakkuninngalu siammarterisunut tapiissutaannik tamakkiisumik tamakkiisuunngitsumillu isumaginnittup suliasai pillugit Naalakkersuisut malittarisassanik aalajangersaasinnaapput, aamma suliasanik</p>

	<p>allanik suliassanik isumagisanut attuumassuteqartunik isumaginnittussamut, tassunga ilanngullugit eqqumiitsuliornermik ingerlatsinerit pillugit apeqqutini siunnersuisarnerit.”</p>
<p>§ 17. Pisortat ingerlatsineranni suliassat suliarineqartarnerat pillugu Inatsisartut inatsisaanni aamma pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni aalajangersakkat siunnersuisartoqatigiinnut, ataatsimiititalianut assigisaannullu § 16-imi taaneqartunut atuutissapput, taakku Inatsisartut inatsisaat manna malittarisassallu taanna malillugu atuutsinneqalersut naapertorlugit aalajangiisinnaatitaalersinneqarpata.</p>	<p>3. § 17 ima oqaasertalerneqassaaq: ” § 17. Pisortat ingerlatsineranni suliassat suliarineqartarnerat pillugu Inatsisartut inatsisaanni aamma pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni aalajangersakkat siunnersuisartoqatigiinnut, ataatsimiititalianut assigisaannullu § 16-imi taaneqartunut aamma § 16 a-mi aningaasaateqarfimmut taaneqartumut atuutissapput, taakku Inatsisartut inatsisaat manna malittarisassallu taanna malillugu atuutsinneqalersut naapertorlugit aalajangiisinnaatitaalersinneqarpata.”</p>
<p>§ 20. Inatsisartut inatsisaat manna naapertorlugu imaluunniit maleruagassani manna naapertorlugu aalajangersarneqartuni Naalakkersuisut Kommunalbestyrelsillu aalajangiineri allaffissornikkut oqartussaasumut allamut maalaarutigineqarsinnaanngillat. <i>Imm. 2.</i> Siunnersuisartoqatigiit, ataatsimiititaliat assigisaasalu Naalakkersuisut eqqumiitsuliornermik ingerlatsinermut tamatumalu saqqummiunneranut tapiissutaannik allaffissornikkut aqutsinermi suliassanik tamakkiisumik ilaannakortumilluunniit isumaginnittut, tak. § 16, aalajangiineri allaffissornikkut oqartussaasumut allamut maalaarutigineqarsinnaanngillat. Aalajangiinerit inatsisitigut sinaakkutaannut atatillugu maalaarutit Naalakkersuisunut saqqummiunneqarsinnaapput, aalajangiinerup ullulerneqarneraniit kingusinnerpaamik sapaatit-akunneri sisamat qaangiunnerani.</p>	<p>4. § 20, imm. 2. ima oqaasertalerneqassaaq: ” <i>Imm. 2.</i> Siunnersuisartoqatigiit, ataatsimiititaliat assigisaasalu Naalakkersuisut eqqumiitsuliornermik ingerlatsinermut tamatumalu saqqummiunneranut tapiissutaannik allaffissornikkut aqutsinermi suliassanik tamakkiisumik ilaannakortumilluunniit isumaginnittut, tak. § 16, imaluunniit aningaasaateqarfiup Naalakkersuisut eqqumiitsuliornermik ingerlatsinermut tamatumalu saqqummiunneranut tapiissutaannik allaffissornikkut aqutsinermi suliassanik tamakkiisumik ilaannakortumilluunniit isumaginnittut, tak. 16 a, aalajangiineri allaffissornikkut oqartussaasumut allamut maalaarutigineqarsinnaanngillat. Aalajangiinerit inatsisitigut sinaakkutaannut atatillugu maalaarutit Naalakkersuisunut saqqummiunneqarsinnaapput, aalajangiinerup ullulerneqarneraniit</p>

	kingusinnerpaamik sapaatit-akunneri sisamat qaangiunnerani.”
	<p>5 § 22-p kingorna ilanngunneqassaaq: ” § 22 a. § 16, imm. 1 aamma § 16 a, imm. 1 naapertorlugit Naalackersuisut eqqumiitsuliornermik ingerlatsinermut tamatumalu saqqummiunneranut tapiissutaannik allaffissornikkut aqutsineq tamakkiisumik ilaannakortumilluunniit siunnersuisoqatigiinnut, ataatsimiititalianut assigisaannulluunniit imaluunniit aningaasaateqarfimmut tunniunneqarsimappat Naalackersuisut aqutsinermik nakkutilliisuussapput.</p> <p><i>Imm. 2.</i> Naalackersuisut imm. 1-imi siunnersuisoqatigiit, ataatsimiititaliat assigisaallu aamma imm. 1-imi aningaasaateqarfik pillugu paasissutissat, nakkutilliinermi pisariaqartinneqartutut isigineqartut tunniunneqarnissaat piumasarisinnaavaat.”</p>
	§ 2
	Inatsisartut inatsisaat ulloq 1. januar 2020-mi atuutilissaaq.

3. Pisortanut aningaasaqarnikkut allaffissornikkullu kingunerisassai

3.1 Pisortanut aningaasaqarnikkut kingunerisassai

Siunnersuut aningaasatigut pisortanut toqqaannartumik kinguneqassanngilaq, tassami aningaasaateqarfimmik pilersitsinissamut inatsisitigut tunngaveqalernissaaq taamaallaat pineqarpoq.

Aningaasaateqarfimmik inatsisitigut periarfissiineq malillugu pilersitsisoqassappat tamanna pisortanut aningaasatigut kingunerluuteqarsinnaavoq. Sinniisuutitat, siulersuisut, sulianik ilisimasalimmik ataatsimiititaliaq, allatseqarfimmit sullinneqarnerit il.il. eqqarsaatigalugit aningaasaateqarfiup qanoq aaqqissuussaanera apeqqutaatillugu tamanna pisortanut aningaasatigut kingunerluuteqarsinnaavoq. Maannakkorpiaq Ilinniartitaanermut, Kultureqarnermut Ilinniartitaanermullu Naalackersuisoqarfimmi suliassat AC-it qinnuteqaataat suliarineqaleruttorput. Suliaq tamanna inuup ataatsip ukiup affaani suliaatut

annertutigaaq. Aningaasaateqarfimmik pilersitsisoqassappat allatseqarfimmit sullinneqarnerit, siulersuisunik akissarsiaqartitsinerit, sinniisoqariataarsinnaanerit, sulianik ilisimasaliusinnaasunut il.il. aningaasartuuteqartoqarnissaa naatsorsuutigineqassaaq.

Aningaasaateqarfiup pilersinneqarnerani aningaasaliissutininut tunngasut Aningaasat pillugit Inatsimmut tunngatillugit isummerfigineqartariaqarput, taamaangippammi aningaasaateqarfik Nunatta Karsianit aningaasalerneqartariaqassammat.

3.2 Pisortanut allaffissornikkut kingunerisassai

Siunnersuut immineq allaffissornikkut pisortanut kinguneqassasoq naatsorsuutigineqanngilaq.

Kingusinnerusukkut aningaasaateqarfimmik pilersitsisoqassappat tamanna pillugu nalunaarutitut ittumik malittarisassiorneqartariaqassaaq.

4. Inuusutissarsiorfimmu aningaasaqarnikkut allaffissornikkullu kingunerisassai

Siunnersuutip kommunitut allaffissornikkut imaluunniit aningaasaqarnikkut kinguneqarnissaa naatsorsuutigineqanngilaq.

5. Avatangiisinut, pinngortitamut innuttaasullu peqqissusaannut kingunerisassai

Siunnersuut avatangiisinut, pinngortitamut innuttaasullu peqqissusaannut kinguneqarnissaa naatsorsuutigineqanngilaq.

6. Innuttaasunut kingunerisassai

Siunnersuut immineq innuttaasunut sumilluunniit kinguneqassanngilaq

Aningaasaateqarfimmik inatsisitigut periarfissiineq malillugu pilersitsisoqassappat tamanna politikerit pisariaqanngitsumik akulerutinnginnissaannut qulakkeerinneqataassaaq. Tamatuma saniatigut Namminersorlutik Oqartussat kulturikkut aningaasaliissutaasa agguanneqarneranni suliamik ilisimasallit suleriaqqinnermi peqataatinneqassapput.

7. Kingunerisassai pingaarutillit allat

Siunnersuut allatigut annertuunik kinguneqassasoq naatsorsuutigineqanngilaq .

8. Oqartussaasut kattuffiillu il.il. tusarniaavigineqarnerat

Siunnersuut piffissami 29. marts 2019-imiit 3. maj 2019-ip tungaanut tusarniaanernut isaaffikkut pissarsiarineqarsinnaasunngorlugu tamanut tusarniaassutigineqassaaq tusarniaaffigineqartunullu tullinnguuttunut makkununga nassiussuunneqassalluni:

Naalackersuisut Siulittaasuata Naalackersuisoqarfia

Pinngortitamut, Avatangiisinut Ilisimatusarnermullu Naalackersuisoqarfik

Aningaasaqarnermut Nunanilu Avannarlerni Suleqatigiinnermut Naalackersuisoq

Ineqarnermut Attaveqatigiinnermullu Naalackersuisoqarfik

Nunanut Allanut Naalackersuisoqarfik
Aalisarnermut Piniarnermut Nunalerinermullu Naalackersuisoqarfik
Peqqissutsimut Naalackersuisoqarfik
Isumaginninnermut Inatsisinillu Atuutsitsinnermut Naalackersuisoqarfik
Inuussutissarsiornermut Suliffeqarnermullu Naalackersuisoqarfik
Aatsitassanut Suliffeqarnermullu Naalackersuisoqarfik
Avannaata Kommunia
Kommune Qeqertalik
Kommuneqarfik Sermersooq
Kommune Kujalleq
Qeqqata Kommunia
Nunatta Isiginnaartitsisarfia
SILA
Kalaallit Atuakkiortut Peqatigiiffiat
KIMIK.
Kalaallit Nunaanni Sulisitsisut Peqatigiiffiat, Grønlands Erhverv
Nunatta Katersugaasivia Allagaateqarfialu
KANUNUPE
Ilisimatusarfik
Nunatta Atuagaateqarfia
NAPA
Katuaq
Taseralik
EPI
Kalaallit Nunaata Radioa
NTK
NUSUKA

Tusarniaanermut akissutit tiguneqarput, taakkunannga uku oqaaseqaateqarsimanatik:

Naalackersuisuit Siulittaasuata Naalackersuisoqarfia, Isumaginninnermut Inatsisinillu
Atuutsitsinnermut Naalackersuisoqarfik, Aatsitassanut Suliffeqarnermullu
Naalackersuisoqarfik, Inuussutissarsiutinut Nukissiuuteqarnermullu Naalackersuisoqarfik,
Pinngortitamut, Avatangiisinut Ilisimatusarnermullu Naalackersuisoqarfik, Peqqissutsimut
Naalackersuisoqarfik, Kalaallit Nunaanni Sulisitsisut Peqatigiiffiat, Aalisarnermut,
Piniarnermut Nunalerinermullu Naalackersuisoqarfik aamma Kommune Kujalleq.

Tusarniaaffigineqartut uku siunnersuummut oqaaseqaateqarput:

Kommuneqarfik Sermersooq, EPI, Nunatta Isiginnaartitsivia aamma Aningaasaqarnermut
Naalackersuisoqarfik.

Tassunga atatillugu oqaatigineqassaaq siunnersuut tusarniaaneq sioqqullugu kingornalu inatsisiliorneranik misissorneqarsimammat. Siunnersuisoqatigiinnut, ataatsimiititalianut assigisaanulluunniit akissarsisitsisarneq aningaasaliisarnerlu pillugit malittarisassanik aalajangersaanermi akissarsiaqartitsisarneq pillugu inatsit naapertorlugu akissarsiaqartitsinermut malittarisassat atuuttut malinneqartariaqaraluartut Inatsisartut allattoqarfiani inatsisiliorneranik misissuinnermut atatillugu uparuaasoqarpoq. Akissarsiaqartitsisarneq pillugu inatsimmi malittarisassat immikkut ittumik inatsisiliorneranik saneqqunneqarsinnaapput, taamaattorli taakku siunnersuisoqatigiit, ataatsimiititaliat assigisaalu atorfinnit assingusunit allanit allaanerumik akissarsiaqartitaanissaat siunertaasimannilaq. Taamaattumik tusarniaassutigineqartumi nr. 2, tassa Naalakkersuisut siunnersuisoqatigiinnut, ataatsimiititalianut assigisaanullu akissarsiaqartitsisarnermut aningaasaliisarnernullu malittarisassanik aalajangersaasinnaanerat inaarutaasumik siunnersuummut ilanngunneqanngilaq.

Nr.	Tusarniaavigineqar-toq	Oqaaseqaatit	Oqaaseqaatigineqartumut oqaaseqaatit
1	Isumaginninnermut Inatsisinillu Atuutsitsinermut Naalakkersuisoqarfik	Oqaaseqaateqanngillat	
2	Aatsitassanut Suliffeqarnermullu Naalakkersuisoqarfik	Oqaaseqaateqanngillat	
3	Inuussutissarsiornermut , Nukissiuuteqarnermullu Naalakkersuisoqarfik	Oqaaseqaateqanngillat	
4	Naalakkersuisut Siulittaasuata Naalakkersuisoqarfia	Oqaaseqaateqanngillat	
5	Pinngortitamut, Avatangiisinut Iisimatusarnermullu Naalakkersuisoqarfiusi masoq	Oqaaseqaateqanngillat	
6	Peqqisutsimut Naalakkersuisoqarfik	Oqaaseqaateqanngillat	
7	Sulisitsisut, Grønlands Erhverv	Oqaaseqaateqanngillat	
8.1	Kommuneqarfik Sermersooq	Kommuneqarfik Sermersooq eqqumiitsuliortunut	Oqaaseqaat allannguissamut tunngavissiisimannilaq.

		<p>aningsaateqarfiliornissamut isumaqataavoq.</p> <p>Aningsaateqarfiliornissaq kommunimit aamma tapersorneqarusuppoq, tamatumani aningsaateqarfimmi aningsaanik atuinermit sapinngisamik politikereit akuliunnaveersartinneqassa pput. Aningsaanik agguassinerni politikereit akuliutinnginnissaannik taaneqartartup atorneqarnissaa kommunimit takorluugaavoq.</p> <p>Aningsaateqarfimmik ilusilersuinermit tamatuma sapinngisamik ersarissuunissaa aamma aningsaanik agguassinernut ersarissunik malittarisassaarnissaa siunnersuutigineqarpoq.</p>	
8.2		<p>Tamatuma saniatigut aningsaateqarfimmi siulersuisut qanoq inissitsiterneqassanersut ersarissarneqassasut kommunimit siunnersuutigineqarpoq.</p>	<p>Oqaaseqaat allannguissamut tunngavissiisimanngilaq.</p> <p>Aningsaateqarfiusinnaasumut malittarisassat sukumiinerusut nalunaarummi aalajangersarneqassapput.</p>
8.3		<p>Aningsaanik avataaneersunik tigusaqarnerni malittarisassanik ersarissaasoqassasok kommunimit siunnersuutigineqarpoq, tassunga ilanngullugit kikkut aningsaateqarfimmut aningsaanik tunniussisinnaanersut</p>	<p>Oqaaseqaat allannguissamut tunngavissiisimanngilaq.</p> <p>Tamanna pillugu malittarisassat sukumiinerusut nalunaarummi aalajangersarneqassapput.</p>

		pillugit malittarisassaqaqarnersoq.	
8.4		Kommune siusinnerusukkut siulersuisutalimmik aningaasaateqarfiliornikuuvo q aammali tamanna pitsaanerpaamik aaqqiissutaanngitsoq paasisimallugu, aningaasaateqarfimmiimmi aaqqissuussaananerat kipparissorujussuusarmata. Tamatumunnga taarsiullugu aningaasaateqarfik pillugu allaffissorneq ajornannginneroqqullugu aamma aningaasat kulturimut eqqumiitsuliornermillu ingerlatsisunut immikkoortitat siunertanut atorneqarnissaa allaffissornermilu artukkiinnginnissaat qulakkeerniarlugu aaqqissuuseriaatsit allat misissorneqarsinnaapput.	Oqaaseqaat allannguissamut tunngavissiiisimannngilaq. Aningaasaateqarfiliortoqassan ersoq pillugu inatsimmik allanngortitsinikkut aalajangiisoqannngilaq. Aningaasaateqarfimmik pilersitsisoqassasoq Naalakkersuisut aalajangerpata tamatuma pilersinneqannginnerani ilusilersugaq sorleq naleqqunnerpaanersoq sukumiinerusumik qulaajaaffigineqassaaq.
9.1	EPI	Eqqumiitsuliortunut aningaasaateqarfimmik pilersitsisoqartariaqarnera EPI-p isumaqataaffigaa aammalu aningaasaateqarfimmik nunani avannarlerniittunut assingusumik pilersitsinikkut qinnuteqartunut ajornannginnerulersitsisumik pilersitsisoqarnissaata piviusunngornissaa qilanaaralugu. Inatsimmi periarfissaliissummik atorluaalluni	Oqaaseqaat allannguissamut tunngavissiiisimannngilaq.

		<p>eqqumiitsuliortunut aningsaateqarfimmik pilersitsineq pissusissamisoorarput. Pilersinneqarniarnanut EPI peqataatinneqassasoq naatsorsuutigaarput.</p>	
9.2		<p>Taamaattumik aningsaat ilisimasalinnit agguaanneqartarnissaat aaqqissuussinerullu misilittarneqarnissaa pingaaruteqartut EPI isumaqarpoq . EPI-p ilaasortaasa ilaasortaannik, qinnuteqartunut aningsaanik agguaassisartussanik, inuttalersuilluni eqqumiitsuliortunut aningsaateqarfimmik pilersitsinissaq aaqqissuussinerullu siullermeersumik misilittarnissaa piffissanngorsoraarput.</p> <p>Inatsisissami immikkoortut assigiinngitsut oqaaseqarfiginagit inatsisartuni inatsisissap akuersaarneqarnissaa kissaatigaarput.</p>	<p>Oqaaseqaat allannguissamut tunngavissiiisimannngilaq.</p>
10.1	Nunatta Isiginnaartitsisarfia	<p>Isiginnaartitsisarfik 2017- imiilli eqqumiitsuliortunut aningsaateqarfimmik pilersitsinissamik piareersaatigalugu sulinermut oqaaseqaatinik takinerusunik nassiussisarsimavoq suliassaqarfimmilu</p>	<p>Oqaaseqaat allannguissamut tunngavissiiisimannngilaq.</p>

		<p>allanngineq akueraarput. Nunatta Isiginnaartitsisarfiata siunnersuut tapersersorsinnaavaa, tassa politikerit kulturi pillugu politikimut akuliuttassanngitsut.</p>	
10.2		<p>Eqqumiitsuliortunut aningsaateqarfimmik pilersitsinermi siunnersuutigaavut: 1) Aningsaateqarfik pillugu kulturi pillugu politikimik najoqqutassiortoqassasoq. 2) Eqqumiitsuliortunut aningsaateqarfik aalajangiisinnaatitaassasoq aamma politikerit ingalassimaarlugit atuutissasoq. Tassa imaappoq eqqumiitsuliortunut aningsaateqarfimmi ilaasortat aningsaat aqutatik pillugit namminneerlutik aalajangiisinnaatitaasut. 3) Imminuinaq eqqarsaatigineq aamma suliassamut attuumassuteqarpallaarnerit pillugit ajornartorsiutit iluarsineqassasut aamma aningsaateqarfimmi suliamik ilisimasallit ukiualunnguit qaangiunnerani taarsernerisigut aningsaateqarfimmi nutarterinerit qulakkeerlugit immaqalu aamma</p>	<p>Oqaaseqaat allannguinissamut tunngavissiisimanngilaq.</p> <p>Aningsaateqarfimmik pilersitsisoqassasoq Naalakkersuisut aalajangerpassuk eqqumiitsuliornermi kulturimilu attuumassuteqartut aningsaateqarfimmik pilersitsinissamut suliamut peqataatinneqassapput malittarisassatullu tunngavissieqataallutik.</p>

		qineqqinneqannginnissaat qulakkeerlugit.	
11	Aalisarnermut Piniarnermut Nunalerinermullu Naalackersuisoqarfik	Oqaaseqaateqanngillat	
12	Kommune Kujalleq	Oqaaseqaateqanngillat	
13.1	Aningaasaqarnermut Naalackersuisoqarfik	Aningaasaateqarfiup ingerlanneqarnerata ilaatut naatsorsuuserisoqartarnissaa aamma naatsorsuutitut isertoqarsinnaanissaa, siunnersuummi § 22 a, imm. 2-p imarisaatut, Aningaasaqarnermut Naalackersuisoqarfimmit piunasaqaatigineqarpoq.	Oqaaseqaat allannguissamut tunngavissiisimanngilaq. Tamanna pillugu malittarisassat sukumiinerusut nalunaarummi aalajangersarneqassapput.
13.2		Inatsimmi allannguutissatut siunnersuut immineq pisortanut aningaasatigut kinguneqassanngilaq, tassami aningaasaateqarfimmik pilersitsinissamut inatsisitigut taamaallaat tunngavissiisussaagami. Aningaasaateqarfimmik pilersitsisoqassappat tamanna pillugu nalunaarutikkut malittarisassiortoqarnissaa naatsorsuutigineqartoq Aningaasaqarnermut Naalackersuisoqarfiup oqaatigaa. Taassuminnga nalunaarusiornermi Aningaasaqarnermut Naalackersuisoqarfik peqataatinneqassaaq.	Oqaaseqaat allannguissamut tunngavissiisimanngilaq.

Aalajangersakkat ataasiakkaat pillugit oqaaseqaatit

§ 1-imut

Nr. 1-imut

Aningaasaateqarfimmik Naalackersuisut eqqumiitsuliornermik ingerlatsinermut tamatumalu saqqummiunneranut tapiissutaannik allaffissornikkut aqutsineq suliassanik tamakkiisumik ilaannakortumilluunniit isumaginnittussamik pilersitsisoqassappat aalajangersagaq naapertorlugu aningaasaateqarfik taanna Nunatta Karsianiinnaanngitsoq tapiissutinik, kingornussassanik tunissutinilluunniit allanit tigusaqarsinnaavoq.

Imaassinnaavoq aningaasaateqarfiit allat inuilluunniit tuniserusuttut aningaasaateqarfikkut eqqumiitsuliornermik tapersersuinissamik kissaateqarlutik aningaasanik tunniussaqaarsinnaasut. Aalajangersagaq taanna naapertorlugu aningaasat aningaasaateqarfiup aningaasaataanut ilanngunneqaarsinnaassapput aamma aningaasatut aningaasaateqarfiup Nunatta Karsianit pissarsiaasut piumasaqaatitaat naapertorlugit agguanneqaarsinnaassapput.

Nr. 2-mut

Imm. 1-imut

Aalajangersagaq taanna atorlugu Naalackersuisut aningaasaateqarfimmik pilersitsinissaminnut inatsisitigut tunngavissaqalerput. Aningaasaateqarfiup qanoq paasineqarnissaanut tunngatillugu allaaserisaq nalinginnaasumik oqaaseqaatiniippoq.

Aningaasaateqarfimmik pilersitsineq malittarisassanik akuersisartunut, Civilstyrelsen, nalunaaruteqarnissamik piumasaqaatitaqanngilaq, aningaasaateqarfimmi aningaasaateqarfiit pillugit inatsimmut ilaatinneqanngimmat, oqaaseqaatit nalinginnaasut takukkit. Akerlianik allaffissornikkut malitassanik aalajangersaasoqarnissaa piumasaqaataavoq, tamatumani imm. 2-mi pissutsit taaneqartut aalajangersaaffigineqarlutik.

Aningaasaateqarfiup Naalackersuisut eqqumiitsuliornermik ingerlatat tamakkuninngalu siammarterisartunut tapiissutaannik aqutsineq aningaasaateqarfimmi taamaallaat isumagineqartussaasoq malittarisassani aalajangersarneqaarsinnaavoq. Assersuutigalugu aningaasaateqarfimmi eqqumiitsulioriaatsit aalajangersimasut kisiisa suliassartaat taamaallaat isumagineqaarsinnaasut aalajangersarneqaarsinnaavoq.

Imm. 2-mut

Aningaasaateqarfiit aningaasaateqarfiit pillugit inatsimmut ilaatinneqartut ileqqoreqqusaliussapput. Aningaasaateqarfik una aningaasaateqarfiit pillugit inatsimmut ilaatinneqassanngilaq taamaattumillu ileqqoreqqusaliortussaangilaq. Taamaattumik

Naalackersuisut allaffissornikkut malitassanik aningaasaateqarfiup atuuffianik tunngavissiiussanik aalajangersaasinnaanerat pingaaruteqarpoq.

Taamaattumik pissutsit nalinginnaasumik ileqqoreqqusani aalajangersarneqartartut, ilaatigut aningaasaateqarfimmi siunertat, suliassat, aqutsineq atuuffialu, pillugit malittarisassanik aalajangersaasoqarnissaa eqqortuusorineqarpoq. Tamakku nalinginnaasumik aningaasaateqarfiup aaqqissusnaanera, tassunga ilanngullugit siulersuisut, sinniisoqarsinnaanera ataatsimiititaliaqarsinnaanera, siuliatigut taaneqartuni ilaasortat amerlassusaat, ilaasortat tamatumunnga qanoq qinerneqartarnersut toqqarneqartarnersulluunniit, siuliani taaneqartut atuuffiisa sivisussusaat, atsiorsinnaatitaaneq il.il. pillugit malittarisassaasinnaapput

Naalackersuisut aamma allaffissornikkut malitassani killiliussanik pingaarnernik peqqussuteqarnissartik toqqarsinnaavaat, tamatuma kingorna siulersuisut suleriaasissamik siulersuisut atuuffiini aalajangersaasussanik aalajangersaasinnaapput

Naalackersuisut aalajangersakkamik taassuminnga inatsisitigut tunngavissaqalernermikkut akissarsiat, aningaasaliinerit aamma allatseqarfimmit sullinneqarnerit pillugit malittarisassanik aalajangersaasinnaalissapput. Taamaalilluni assersuutigalugu siulersuisuni ilaasortat sulinertik pillugu qanoq akissarsiaqartinneqarnissaat, tassunga ilanngullugit akissarsiat amerlassusaat, angalanernut, uninnganernut il.il. aningaasartuutit, pillugit aalajangersaasoqarsinnaavoq.

Allatseqarfimmit sullinneqarneq eqqarsaatigalugu assersuutigalugu aningaasaateqarfimmi siulersuisut, ataatsimiititaliap pilersinneqartup imaluunniit Naalackersuisoqarfimmi oqartussaaffimmut akisussaasuusinnaasup atuuffik taanna isumaginnissinnaanera pillugu aalajangersaasoqarsinnaavoq. Naalackersuisoqarfimmi allatseqarnermik atuuffik isumagineqarpat, politikerit pisariaqanngitsumik akuliutinnginnissaannik tunngaveqarneq unioqqutinneqarnaviannigilaq, aalajangiineq aningaasaateqarfimmit aalajangerneqarnera pissutigalugu.

Imm. 3-mut

Aningaasaateqarfimmi, ataatsimiititaliami aningaasaateqarfiup ataaniittumi assigisaanniluunniit suliatigut ilisimasat piginnaasallu pigineqartut atorluarneqarnissaat eqqortuusaaq. Aningaasaateqarfik politikikkut arlaannaannulluunniit attuumassuteqassanngilaq taamaattumillu aningaasaateqarfik eqqumiitsulianik ingerlatsinermi apeqqutinik politikkimut tunngasunik qulaajaanerni atussallugu pissusissamisussalluni.

Nr. 3-mut

Siunnersuisoqatigiit, ataatsimiititaliat, assigisaat aningaasaateqarfillu pisortani oqartussaasuunngillat akerlianilli arlaannaannulluunniit attuumassuteqartuunatik.

Taamaattorli inatsisitigut aqutsinermik sulianik isumaginnittussaapput, tamakkunani innuttaasunut kinguneqartunik aalajangiisartussaallutik. Taamaattumik tamakku inatsisitigut aqutsineq pillugu malittarisassanut ilanngunneqarunik eqqortuussaaq, taamaalillutik tapiissutinik aqutsineq suliakkiissutigineqarpat innuttaasut inatsisitigut inissisimaffii ajornerulernatik. Taamaattumik innuttaasut suliaassanik suliarinnittarnerit pillugit malittarisassat atuuttut malillugit tunngavilersuutinik, naammagittaalliornissamut ilitersuummik, allagaatinik takunnissinnaanissamut il.il. pisinnaatitaassapput.

Nr. 4-mut

Aningaasaateqarfimmi aalajangiineq inaarutaasumik aalajangiinerusoq aalajangersakkami aalajangersarneqarpoq.

Naammagittaalliuutigineqartut ilaatigut tassaasinnaapput inatsisitigut killiliussat imaluunniit suliamik suliarinninneq.

Nr. 5-imut

Imm. 1-imut

Naalackersuisut siunnersuisoqatigiisusinnaasunik, ataatsimiititaliaasinnaasunik, assigisinnaasaannik imaluunniit aningaasaateqarfimmik nakkutilliisuunissaat eqqortuusorineqarpoq, tamakkumi Naalackersuisut suliakkiinerisigut aqunneqarmata taamaalillutillu Naalackersuisut akisussaasuullutik. Nakkutilliinikkut aqutsinerup imminut illersorsinnaasumik pinissaa qulakkeerneqassaaq, aqutseriaaseq qanoq ittoq atorneqartoq apeqqutaatinnagu.

Imm. 2-mut

Naalackersuisut qinnuteqaateqartut, siunnersuisoqatigiinni, ataatsimiititaliani assigisaanniluunniit ilaasortat, aningaasaateqarfimmi siulersuisut, naatsorsuutit il.il. pillugit paasissutissanik pissarsiniarsinnaapput.

§ 2-mut

Matumani Inatsisartut inatsisaat 1. januar 2020-mi atuutilissasoq allassimavoq. Tamatumani inatsimmik akuersissuteqartoqariitsiarneratigut allannguutit atuutilernissaat siunertarineqarpoq.